



SAMÞYKKT um stjórn og fundarsköp Akraneskaupstaðar

Tillaga er gerð um eftirtaldar breytingar:

1. gr.

1. mgr. 26. gr. samþykktarinnar breytist og verður svohljóðandi:

Ráð (fastanefndir), stjórnir og aðrar nefndir.

Bæjarstjórn kýs fulltrúa í ráð, stjórnir og nefndir samkvæmt ákvæðum laga, reglugerða og samþykktar þessarar. Ráð (bæjarráð, mennta- og menningarráð, velferðar- og mannréttindaráð og skipulags- og umhverfissráð) teljast fastanefndir bæjarstjórnar. Kjörtímabil fastanefnda er eitt ár sbr.

43. gr. samþykktar þessara.

Á fyrsta fundi stjórnar/nefndar skal kjósa formann, varaformann og ritara stjórnar/nefndar nema lög, samþykktir eða bæjarstjórn ákveði annað.

Formaður ráðs/stjórnar/nefndar boðar nefnd saman til fyrsta fundar eða ákveður hver skuli gera það, nema formaður hafi áður verið valinn af bæjarstjórn. Formaður ráðs/stjórnar/nefndar boðar eða lætur boða fundi í ráði/stjórn/nefnd með a.m.k. eins sólarhrings fyrirvara.

Að loknum sveitarstjórnarkosningum halda ráð (fastanefndir) umboði sínu þar til nýkjörin bæjarstjórn hefur kjörið nýja nefnd í þeirra stað en með sömu takmörkunum valdheimilda og fyrri bæjarstjórn sætti að afloknum kosningum sbr. 12. gr. og 2. mgr. 37. gr. sveitarstjórnarlaga

Greinargerð með breytingartillögu:

Gerð er nafnabreyting á einu fagraði Akraneskaupstaðar og fær skóla- og frístundaráð nýtt heiti „mennta- og menningarráð.

Nafn ráðsins kemur svo breytt kemur fram í 1. mgr. 26. gr.

2. gr.

43. gr. samþykktarinnar breytist og verður svohljóðandi:

Fastanefndir, aðrar nefndir, stjórnir og ráð sem bæjarfélagið á aðild að.

Bæjarstjórn kýs í eftirfarandi ráð, stjórnir og nefndir. Bæjarstjórn formenn og varaformenn nefnda skv. B-lið:



A. Til eins árs:

Á fundi í júní ár hvert, nema það ár sem kosið er til sveitarstjórnar en þá er heimilt að kjósa á fundi bæjarstjórnar sem fram fer í maí:

1. *Bæjarráð*. Þrjú bæjarfulltrúa sem aðalmenn og jafn marga til vara skv. 35. gr. sveitarstjórnarlaga. Um kjör í bæjarráð gilda ákvæði 44. greinar samþykktar þessarar. Kjósa skal einnig aðal- og varaáheyrnarfulltrúa til eins árs séu þeir til staðar sbr. 2. mgr. 44. gr.
2. *Mennta- og menningarráð*. Þrjú aðalmenn og þrjú til vara samkvæmt ákvæðum 51. gr. samþykktar þessarar sbr. 2. mgr. 27. gr. Kjósa skal einnig aðal- og varaáheyrnarfulltrúa til eins árs séu þeir til staðar sbr. 3. mgr. 51. gr.
3. *Velferðar- og mannréttindaráð*. Þrjú aðalmenn og þrjú til vara samkvæmt ákvæðum 58. gr. samþykktar þessarar sbr. 2. mgr. 27. gr. Kjósa skal einnig aðal- og varaáheyrnarfulltrúa til eins árs séu þeir til staðar sbr. 3. mgr. 58. gr.
4. *Skipulags- og umhverfisráð*. Þrjú aðalmenn og þrjú til vara samkvæmt ákvæðum 65. gr. samþykktar þessarar sbr. 2. mgr. 27. gr. Kjósa skal einnig aðal- og varaáheyrnarfulltrúa til eins árs séu þeir til staðar sbr. 3. mgr. 65. gr.

B. Til fjögurra ára:

Á fyrsta eða öðrum fundi að afloknum sveitarstjórnarkosningum:

1. *Menningar- og safnanefnd*. Sex aðalmenn og jafnmarga til vara. Nefndin annast verkefni samkvæmt erindisbréfi og samkvæmt skipulagsskrá Byggðasafnsins í Görðum.
2. *Barnaverndarnefnd*. Fimm aðalmenn og jafnmarga til vara, samkvæmt barnaverndarlögum nr. 80/2002.
3. *Yfirkjörstjórn*. Þrjú aðalmenn og þrjú til vara. Kjörstjórn fer með verkefni skv. kosningalögum nr. 112/2001 og varða Alþingiskosningar, sveitarstjórnarkosningar, forsetakosningar og aðrar þær kosningar sem sveitarfélaginu er falið að annast samkvæmt lögum.
4. *Undirkjörstjórnir*. Þrjú aðalmenn í hverja undirkjörstjórn og jafnmarga til vara.
5. *Stjórn Höfða hjúkrunar- og dvalarheimilis*. Þrjú aðalmenn og þrjú til vara. Stjórnin starfar samkvæmt skipulagsskrá.

C. Tilnefningar þingfulltrúa hjá samtökum sveitarfélaga og í stjórnir:

1. *Stjórn Orkuveitu Reykjavíkur*. Einn aðalmann og annan til vara samkvæmt stofnsamþykktum Orkuveitu Reykjavíkur. Aðalmaður skal vera úr hópi kjörinna aðalbæjarfulltrúa.
2. *Stjórn Faxaflóahafna*. Einn aðalmann og annan til vara ásamt einum áheyrnarfulltrúa samkvæmt stofnsamþykktum Faxaflóahafna. Aðalmaður skal vera úr hópi kjörinna aðalbæjarfulltrúa.
3. *Heilbrigðisnefnd Vesturlands*. Sveitarstjórnirnar á svæðinu kjósa sameiginlega fimm aðalmenn og jafnmarga til vara í nefndina skv. 11. gr. laga um hollustuhætti og mengunarvarnir nr. 7/1998.
4. *Sorpurðun Vesturlands*. Aðalfundur kýs árlega úr hópi hluthafa 7 menn í stjórn félagsins. Um hæfi þeirra fer að lögum.
5. *Fulltrúaráð Fjölbautaskóla Vesturlands á Akranesi*. Fimm aðalmenn og jafnmarga til vara samkvæmt samningi sveitarfélaga á Vesturlandi um rekstur skólans, frá 3. október 2006.
6. *Fulltrúaráð Brunabótafélags Íslands*. Einn aðalmann og annan til vara skv. 9. gr. laga um Eignarhaldsfélagið Brunabótafélag Íslands nr. 68/1994.
7. *Samtök sveitarfélaga á Vesturlandi*. Fimm fulltrúar og jafnmargir til vara á aðalfund Samtaka sveitarfélaga á Vesturlandi samkvæmt lögum samtakanna.
8. *Landsþing Sambands íslenskra sveitarfélaga*. Fjóra þingfulltrúa og jafnmarga til vara skv. 7. gr. laga Sambands íslenskra sveitarfélaga.



Akraneskaupstaður

9. *Samstarfsnefnd lögreglu og sveitarfélaga*, skv. viljayfirlýsingu Ríkislögreglustjóra og Sambands íslenskra sveitarfélaga frá 30. apríl 2004.
10. *Öldungaráð Akraness*. Þrjú aðalmenn og einn til vara skv. 3. gr. samþykktar bæjarstjórnar um öldungaráð Akraness frá 22. maí 2018 og 2. mgr. 38. gr. laga um félagsþjónustu sveitarfélaga nr. 40/1991. Bæjarstjórn tilnefnir formann öldunagráðsins úr hópi aðalmanna.
11. *Notendaráð um málefni fatlaðra*. Þrjú fulltrú skv. 42. gr. laga um félagsþjónustu sveitarfélaga nr. 40/1991.
12. *Þróunarfélag Grundartanga ehf.* Einn aðalmann í stjórn og einn til vara skv. samþykktum félagsins frá 7. júlí 2016.

D. Aðrar nefndir sem stofnaðar verða.

1. Verkefnabundnar nefndir:

Bæjarstjórn og bæjarráð geta skipað nefndir til að vinna að afmörkuðum verkefnum. Umboð slíkra nefnda fellur sjálfkrafa niður við lok kjörtímabils bæjarstjórnar eða fyrr ef verki nefndarinnar er lokið. Bæjarstjórn getur afturkallað umboð slíkrar nefndar hvenær sem er. Þegar bæjarstjórn Akranes tilnefnir fleiri en einn fulltrúa í samstarfsnefndir skal að öllu jöfnu tilnefna a.m.k. einn fulltrúa úr minnihluta.

Greinargerð með breytingartillögu:

1. Breytingar varðandi A. lið.

Gert er tillaga um breytingu í 1. mgr. sem felur í sér að árið sem sveitarstjórnarkosningar fara fram sé heimilt að kjósa í tilgreind fagråd í maímánuði en ekki einungis í júní eins og samþykktin kveður á um. Þetta er nauðsynlegt með hliðsjón af nýjum kosningalögum nr. 112/2021 þar sem sveitarstjórnarkosningar eru færðar frammar í tíma sem felur það í sér að ný sveitarstjórn þarf að koma saman í maímánuði en samkvæmt eldri kosningalöggjöf var rými til að ný sveitarstjórn kæmi alltaf saman í júní mánuði. Án þessarar breytingar væri nýrri sveitarstjórn í raun gert ómögulegt að kjósa í fagráðin á fyrsta fundi eftir kosningar þar sem ákvæðið gerir þá ráð fyrir að kosning færi alltaf fram í júnímánuði.

Gerð er tillaga um breytingu í 2. tl. og fagråd skólamála heitir nú mennta- og menningarråd sbr. greinargerð með 1. gr. hér að framan.

2. Breyting varðandi B. lið.

Gerð er tillaga um breytingu í 3. tl. og kjörstjórn breytt í yfirkjörstjórn sem er samræmi við hlutverk hennar samkvæmt lögum. Jafnframt er breytt tilvísun til kosningalaga en ný lög voru sett um síðustu áramót.

Gerð er tillaga um breytingu í 4. tl. varðandi tilvísun til kosningalaga sbr. 3. tl.



3. Breyting varðandi C. lið.

Gerð er tillaga um breytingu í 11. tl. til samræmis við breytta nafngift á samráðshópi um málefni fatlaðra sem nú heitir notendahópur um málefni fatlaðs fólk

4. Breyting varðandi E. lið.

Gerð er tillaga um breytingu á númeraröð þannig að E. liður fellur burt en fær raðnúmer 1. undir staflið D.

3. gr.

Kaflaheiti VI. kafla breytist og verður svohljóðandi:

Bæjarráð – Mennta- og menningarráð – Velferðar- og mannréttindaráð – Skipulags- og umhverfisráð.

Greinargerð með breytingartillögu:

Greinin þarfnast ekki skýringa.

4. gr.

2. mgr. 48. gr. samþykktarinnar breytist og verður svohljóðandi:

Bæjarráð hefur umsjón með þjónustu- og upplýsingatæknimálum, nýsköpunar- og atvinnumálum og öðrum þeim verkefnum sem öðrum ráðum eru ekki sérstaklega falin.

Greinargerð með breytingartillögu:

Gerð er tillaga um að breytta verkaskiptingu á milli fagráða og mennta- og menningarráði falin umsjón með menningarmálum í stað bæjarráðs.

5. gr.

49. gr. samþykktarinnar breytist og verður svohljóðandi:

Nefndir og stjórnir.

- Stjórn Höfða, hjúkrunar- og dvalarheimilis
- Almannaþingarnefnd
- Yfirkjörstjórn við kosningar samkvæmt kosningalögum nr. 112/2021
- Undirkjörstjórnir við kosningar samkvæmt kosningalögum nr. 112/2021



Greinargerð með breytingartillögu:

Gerð er tillaga um breytingu sem felur í sér að menningar- og safnanefnd færist undan stjórnslu bæjarráðs og undir stjórnslu mennta- og menningarráðs sbr. breytingar hér að framan og 11. gr. hér að neðan.

6. gr.

Fyrirsögn fyrir ofan 51. gr. og efnisatriði greinarinnar sjálfrar breytast og verða svohljóðandi:

MENNTA- OG MENNINGARRÁÐ

Kosning mennta- og menningarráðs.

Bæjarstjórn skal á fyrsta eða öðrum fundi að afloknum sveitarstjórnarkosningum kjósa þrjá fulltrúa í mennta- og menningarráð til eins árs og jafnmarga til vara.

Kosningar í mennta- og menningarráð skulu vera leynilegar og bundnar hlutfallskosningar ef einhver bæjarfulltrúi óskar þess.

Framboð sem hefur fulltrúa í bæjarstjórn og á ekki kjörinn fulltrúa í mennta- og menningarráð skal hafa einn áheyrnarfulltrúa í ráðinu og annan til vara.

Bæjarstjórn kýs formann og varaformann mennta- og menningarráðs úr hópi kjörinna bæjarfulltrúa og um kosningu og kjörgengi í ráðið fer samkvæmt 27. gr. samþykktar þessarar.

Greinargerð með breytingartillögu:

Gerð er tillaga um breytingar sem aðlaga greinina að breyttu heiti mennta- og menningarráðs.

7. gr.

52. gr. samþykktarinnar breytist og verður svohljóðandi:

Fundartími.

Mennta- og menningarráð skal að jafnaði halda fund á föstum tíma og eigi sjaldnar en tvisvar í mánuði. Aukafundi skal halda eftir þörfum að ákvörðun formanns eða ef sviðsstjóri mennta- og menningarsviðs, bæjarstjóri, formaður ráðsins eða a.m.k. tveir ráðsmenn óska þess.



Greinargerð með breytingartillögu:

Gerð er tillaga um breytingar sem aðlaga greinina að breyttu heiti mennta- og menningarráðs.

8. gr.

53. gr. samþykktarinnar breytist og verður svohljóðandi:

Boðun funda.

Sviðsstjóri mennta- og menningarsviðs undirbýr ráðsfundi í samráði við formann ráðsins. Hann sér um að mennta- og menningarsviðs sé boðað til fundar með skriflegu fundarboði ásamt dagskrá a.m.k. einum sólarhring fyrir fund. Geti ráðsmaður ekki sótt fund, tilkynnir hann forföll til sviðsstjóra mennta- og menningarsviðs og óskar eftir því að varamaður verði boðaður.

Greinargerð með breytingartillögu:

Gerð er tillaga um breytingar sem aðlaga greinina að breyttu heiti mennta- og menningarráðs.

9. gr.

54. gr. samþykktarinnar breytist og verður svohljóðandi:

Stjórnun mennta- og menningarráðs.

Formaður mennta- og menningarráðs stjórnar fundum ráðsins og sér um að allt fari löglega og skipulega fram á fundum þess. Hann úrskurðar í ágreiningsmálum sem upp kunna að koma út af fundarsköpum, en skjóta má úrskurði hans til úrlausnar ráðsins.

Heimilt er að taka mál til meðferðar í mennta- og menningarráði þótt ekki sé það tilgreint í dagskrá. Þó er skylt að fresta afgreiðslu slíks máls ef einhver ráðsmanna óskar þess.

Bæjarskrifstofa Akraneskaupstaðar annast ritun fundargerða mennta- og menningarráðs, sé þess óskað. Um ritun fundargerða mennta- og menningarráðs gilda sömu reglur og um ritun fundargerða bæjarstjórnar sbr. 15. gr.

Mennta- og menningarráðsfundir skulu haldnir fyrir luktum dyrum og er óheimilt að greina frá ummælum einstakra fundarmanna á fundum.

Greinargerð með breytingartillögu:



Gerð er tillaga um breytingar sem aðlaga greinina að breyttu heiti mennta- og menningarráðs.

10. gr.

55. gr. samþykktarinnar breytist og verður svohljóðandi:

Verkefni mennta- og menningarráðs.

Mennta- og menningarráð fer með umsjón og eftirlit með málum sem heyra undir framkvæmd eftirfarandi laga og reglugerða byggðra á þeim, eins og þau eru á hverjum tíma og að því marki sem löggin setja skyldur á herðar sveitarfélaga:

- Forvarnir sbr. lög um lýðheilsustöð nr. 18/2003.
 - Æskulýðs-, tómstunda- og íþróttamál sbr. lög nr. 64/1998 og lög nr. 70/2007.
 - Grunnskóla sbr. lög nr. 91/2008.
 - Leikskóla sbr. lög nr. 90/2008 og reglugerð um starfsemi leikskóla nr. 225/1995.
 - Tónlistarskóla sbr. lög um fjárhagslegan stuðning við tónlistarskóla nr. 75/1985.
 - Daggæslu barna sbr. reglugerð nr. 198/1992 um eftirlit og leyfisveitingar vegna daggæslu barna í heimahúsum.
 - Aðrar lagasetningar Alþingis sem á hverjum tíma tengjast verkefnum ráðsins.
 - Rekstur og starfsemi menningar- og safnamála utan verkefna sem varða viðburðahald.
-

Greinargerð með breytingartillögu:

Gerð er tillaga um breytingu í síðasta undirpunkti sem er í samræmi við breytt hlutverk mennta- og menningarráðs sem er ætlað hlutverk varðandi stjórnsýslu menningar- og safnamála.

11. gr.

56. gr. samþykktarinnar breytist og verður svohljóðandi:

Nefndir og stjórnir

Eftirtaldar nefndir og stjórnir sem kjörnar eru af bæjarstjórn heyra undir stjórnsýslu mennta- og menningarráðs:

- Menningar- og safnanefnd
 - Fulltrúaráð Fjölbrautaskóla Vesturlands.
-

Greinargerð með breytingartillögu:

Gerð er tillaga um breytingu í samræmi við breytt verkefni mennta- og menningarráðs sem er ætlað hlutverk varðandi stjórnsýslu menningar- og safnamála og því er nefndinni bætt við upptalninguna.



12. gr.

57. gr. samþykktarinnar breytist og verður svohljóðandi:

Heimild mennta- og menningarráðs til fullnaðarákvörðunar.

Mennta- og menningarráði er heimil fullnaðarafgreiðsla mála sbr. 29. gr.

Mennta- og menningarráð úrskurðar um heimild til endurupptöku mála skv. 31. og 77. gr.

Bæjarstjórn setur mennta- og menningarráði erindisbréf.

Greinargerð með breytingartillögu:

Greinin þarfnast ekki sérstakrar skýringar.

13. gr.

63. gr. samþykktarinnar breytist og verður svohljóðandi:

Nefndir og stjórnir.

Eftirtaldar nefndir og stjórnir sem kjörnar eru af bæjarstjórn heyra undir stjórnýslu velferðar- og mannréttindaráðs:

- Barnaverndarnefnd.
- Öldungaráð.
- Notendaráð um málefni fatlaðs fólks.

Greinargerð með breytingartillögu:

Gerð er tillaga um breytingu til samræmis við breytta nafngift samráðshóps um málefni fatlaðra sem nú heitir notendaráð um málefni fatlaðs fólks.

14. gr.

8. mgr. 73. gr. samþykktarinnar breytist og verður svohljóðandi:

Sviðsstjóri fjármála- og þjónustusviðs er staðgengill bæjarstjóra nema bæjarstjórn ákveði annað.



Greinargerð með breytingartillögu:

Gerð er tillaga um breytingu á starfheiti sviðsstjóra í samræmi við breytt heiti stjórnsýslu- og fjármálasviðs sem fær heitið fjármála- og þjónustusvið.

15. gr.

75. gr. samþykktarinnar breytist og verður svohljóðandi:

*Valdsvið embættismanna og framsal bæjarstjórnar til embættismanna
á valdi til fullnaðarafgreiðslu mála.*

Bæjarstjórn er heimilt að fela eftirtöldum embættismönnum fullnaðarafgreiðslu mála á sama hátt og með sömu skilyrðum og nefnd eru í 29. gr.:

1. Deildarstjóra fjármála og launa í umboði bæjarráðs að afgreiða afslátt af fasteignasköttum til elli- og örorkulífeyrisþega á grundvelli samþykktra reglna þar um.
2. Byggingarfulltrúa að afgreiða mál samkvæmt samþykkt um afgreiðslu byggingarfulltrúans á Akranesi.
3. Bæjarstjóra að veita umsagnir samkvæmt áfengislögum um áfengisveitingaleyfi lögum um veitinga- og gististaði um veitingu og endurnýjun rekstrarleyfa.
4. Félagsmálastjóra í umboði velferðar- og mannréttindaráðs að veita fjárhagsaðstoð til framfærslu í samræmi við reglur um fjárhagsaðstoð á Akranesi, samþykktar af bæjarstjórn.

Bæjarstjórn skal setja skýrar reglur um afgreiðslu embættismanna, en viðkomandi ráð hafa eftirlit með þeim og kalla reglulega eftir skýringum og upplýsingum um ákvarðanir sem teknar eru á grundvelli þeirra. Embættismanni er alltaf heimilt að vísa ákvörðun skv. 1. mgr. til viðkomandi ráðs til fullnaðarafgreiðslu. Mál sem starfsmenn afgreiða skulu kynnt í viðkomandi ráði með skriflegri skýrslu í lok hvers ársfjórðungs.

Greinargerð með breytingartillögu:

Gerð er tillaga um breytingu í 1. tl. varðandi tilvísun til starfs fjármálastjóra en það er ekki lengur til sbr. breytingar sem gerðar voru í lok árs 2020. Vísað til starfs deildarstjóra fjármála sem fer nú með hluta þeirra verkefna sem fjármálastjóri hafði áður með höndum.

Gerð er tillaga um breytingu í 3. tl. og felld út tilvísun til raðnúmera áfengislaga og laga um veitinga- og gististaði með þeirri áherslu á heimild bæjarstjóra til að veita umsagnir samkvæmt þessum sömu lögum. Er lagt til í samræmi við eiginlega framkvæmd mála enda enda eru afgreiðslur bæjarstjóra sem og annarra embættismanna sem greinin fjallar um, lagðar fram til kynningar í viðkomandi fagráðum í lok hvers ársfjórðungs.



16. gr.

79. gr. samþykktarinnar breytist og verður svohljóðandi:

Um starfskjör og réttindi starfsmanna.

Um starfskjör, réttindi og skyldur starfsmanna bæjarfélagsins fer eftir ákvæðum kjarasamninga hverju sinni og/eða ákvæðum ráðningarsamninga, starfsmannastefnu, jafnlaunastefnu og jafnréttisáætlun.

Greinargerð með breytingartillögu:

Gerð er tillaga um orðalagsbreytingu sem er í samræmi við breytingar í löggjöf nr. 150/2020 um jafna stöðu og jafnan rétt kynjanna. Til uppfyllingar á ákvæðum laganna hefur Akraneskaupstaður sett sérstaka jafnlaunastefnu og nauðsynlegt er að gera sérstaka grein fyrir því í 79. gr. samþykktarinnar.

17. gr.

87. gr. samþykktarinnar breytist og verður svohljóðandi:

Almenn atkvæðagreiðsla að frumkvæði íbúa.

Ef að lágmarki 20% þeirra sem kosningarrétt eiga í bæjarfélaginu óska almennrar atkvæðagreiðslu skv. 108. gr. sveitarstjórnarlaga skal bæjarstjórn verða við því eigi síðar en innan árs frá því að slík ósk berst.

Greinargerð með breytingartillögu:

Gerð er tillaga um breytingu sem er til samræmi við ákvæði sveitarstjórnarlaga þar sem gert er ráð fyrir þessu lágmarki. Sveitarstjórn er samt heimilt að ákveða hærri mörk en þó aldrei hærri en þriðjung þeirra sem kosningarétt eiga í sveitarfélaginu.

18. gr.

87. gr. samþykktarinnar er felld á brott.



Greinargerð með breytingartillögu:

Greinin þarfnast ekki skýringar.

19. gr.

89. gr. samþykktarinnar breytist, fær raðnúmerið 88. og verður svohljóðandi:

Staðfesting.

Til þess að gera breytingu á samþykkt þessari þarf umræður á tveimur fundum í bæjarstjórn, samþykki meirihluta atkvæða og staðfestingu þess ráðuneytis sem fer með málefni sveitarfélaga.

Samþykkt þessi sem bæjarstjórn Akraneskaupstaðar hefur sett, samkvæmt ákvæðum 9. gr. sbr. 18. gr. sveitarstjórnarlaga nr. 138/2011 staðfestist hér með til að öðlast þegar gildi.

Þannig samþykkt við síðari umræðu í bæjarstjórn Akraneskaupstaðar þann **xx. apríl 2022**.
Fyrri umræða fór fram þann xx. apríl 2022.

Greinargerð með breytingartillögu:

Greinin þarfnast ekki skýringa.

Númeraröð breytist og verður 88. gr. í stað 89. gr. Nánari útfærsla verður unnin skv. ráðgjöf samgöngu- og sveitarstjórnarráðuneytisins.

6/4 2022

Steinar Adolfsson, sviðsstjóri stjórnsýslu- og fjármálasviðs